





心法類集卷之二

夏集

後學恒齋

楊珣

類集

吳法

劉勛

校正

○中風

○中風大率主血虛有痰治痰為先次養血  
行血或作屬虛挾火與濕又須分氣虛血  
虛○半身不遂大率多痰在左屬死血痰  
血血虛在右屬痰有熱氣虛○左以四物  
湯桃仁紅花竹瀝薑汁右以二陳湯四



君子湯加薑汁竹瀝○痰壅盛者口眼喎  
斜不能言者皆當用吐法一吐不已再吐  
輕者用瓜蒂一錢或稀涎散或蝦汁以蝦  
半斤入醬葱薑等料煮先喫蝦次飲  
汁後以鷲翎探引吐亦用蝦者蓋引其風  
出耳○重者用藜蘆半錢或三分加麝香  
少許薑汁引吐若口噤昏迷者灌入鼻內  
吐之虛者不可吐○氣虛卒倒者用參芪  
補之有痰濃煎參湯加竹瀝薑汁○若血

虛者用四物湯俱用薑汁炒恐泥痰故也  
有痰再加竹瀝薑汁入內服能食者去竹  
瀝加荊瀝○肥白人多濕用烏頭附子行  
經○初昏倒者搦人中至醒然後用痰藥  
以二陳湯四君子湯四物湯加減用之○  
瘦人陰虛火熱用四物湯加牛膝竹瀝黃  
芩黃柏有痰者加痰藥○筋枯者動則痛  
是無血不能滋養其筋不治也脉訣內言  
諸不治證見則不可治○治痰氣實而能



食用荆瀝氣虛少食用竹瀝此二味開經絡行血氣故也

肥人中風口喎手足麻木左右俱作痰治

貝母

瓜蒌

南星

荆芥

防風

羌活

黃柏

黃芩

黃連

白朮

陳皮

半夏

薄桂

甘草

威靈仙

天花粉

○內經以下皆謂外中風邪然地有南北不可一途而取惟劉守真作將息失宜水

能制火極是由今言之外中者亦有但極少耳又不可全謂將息失宜而非外中也許學士謂氣中者亦有此七情所傷脉微而數或浮而緊緩而遲必也脉遲浮可治大數而極者死若果外中者則東垣所謂中血脉中府中藏之理其於四肢不舉亦有與痿相類者當細分之局方風痿同治太謬發揮甚詳子和用三法如的係邪氣卒中痰盛實熱者可用否則不可



風者百病之始善行而數變行者動也風本  
為熱熱勝則風動宜以靜勝其燥養血是  
也治瀕少汗亦宜少下多汗則虛其衛多  
下則損其榮治其在經雖有汗下之戒而  
有中藏中府之分中府者宜汗之中藏者  
宜下之此雖合汗下亦不可太過汗多則  
亡陽下多則亡陰亡陽則損其氣亡陰則  
損其形初謂表裏不和瀕汗下之表裏已  
和是宜治之在經其中府者面頤五色有

表証面脉浮惡風惡寒拘急不仁或中身  
之後身之前身之側皆曰中府也其治多  
易中藏者唇吻不收舌不轉而失音鼻不  
聞香臭耳聾而眼瞽大小便秘結或眼合  
直視搖頭口開手散遺溺痰如曳鋸鼻鼾  
皆曰中藏也中藏者多不治也六府不和  
留結為癰五藏不和九竅不通無此乃在  
經也初証既定宜以大藥養之當順時令  
而調陰陽安藏府而和榮衛少有不愈者



也風中府者先以加減續命湯隨証發其  
表如兼中藏則大便多祕澀宜以三化湯  
通其滯初証已定別無他變以大藥和治  
之大抵中府者多著四肢中藏者多滯九  
竅中府者多兼中藏之証至於舌強失音  
久服大藥能自愈也又曰氣中其証與中  
風相似但風中多痰涎氣口中無涎治之  
之法調氣為先經言蓋治風者以氣理風  
氣順則痰消徐理其風庶可收効又有中

風言不變志不亂病在分湊之間者只宜  
溫卧取小汗為可復也○凡中風脉多沉  
伏大法浮遲者吉急實者凶○先用麻油  
調蘇合香丸或用薑汁或用白湯調如口  
噤挾開灌之稍甦則服八味順氣散若痰  
甚者只以省風導痰湯服之若中則昏沉  
不省人事口噤急以生半夏末吹入鼻中  
或用細辛皂角為末吹之噴嚏則甦無嚏  
者不治○肥人中者以其氣盛於外而歎



於內也肺為氣出入之道肥者氣必急氣急必肺邪盛肺金剋木膽為肝之府故痰涎壅盛所以治之必先理氣為急中後氣未順痰未除調理之劑惟當以藿香正氣散和星香散煎服此藥非特可治中風之証治中氣中惡尤宜尋常止嘔多痰者亦可用之○若前証多怒宜小續命湯加羚羊角熱而渴者湯中去附子加秦艽半錢恍惚錯語加茯神遠志各半錢不得睡加

酸棗仁半錢不能言加竹瀝一蜺殼許人虛無力者去麻黃加人參如其數○若人自甦能言能食惟身體不遂急則牽蹇緩則躡曳經年不愈以加減地仙丹常服○若飲食坐卧如常但失音不語只以小續命去附子加石菖蒲一錢○治風之法初得之即當順氣及日久即當活血此萬古不易之理惟可以四物湯吞活絡丹愈者正是此義若先不順氣化痰遽為烏附又



不活血徒用防風天麻羌活輩吾未見能  
治也又見風中於膚腠輒用腦麝治之者  
是引風入骨髓也尤為難治深可戒哉○  
如口喎斜未正者以草麻去殼爛搗右喎  
塗左左喎塗右或鱈魚血入麝香少許塗  
之即正○  
初卒倒僵仆不知人事急  
以皂角末或不卧散入鼻內吹之就提頭  
頂髮立甦若有嚏者可治無嚏者不治○  
經曰風從汗泄以可微汗正如解表表實

無汗者散之知之飲表表虛自汗者溫之  
解之○若氣滯者難治宜吐之痰氣實壅  
盛者以眼喎斜或不能言並可用吐法○  
可下者此曰以有便溺之阻隔故裏實若  
三五日不大便者可與機要三化湯或子和  
搜風丸老人只以潤腸丸○理氣者氣滯  
氣鬱肩膊麻痛之類此七情也宜烏藥順  
氣八味順氣之類理血者無表裏之急血  
弱舉發不時者用大秦芫湯或羌活愈風



湯兼用化痰丸子○灸可灸風池百會曲池合骨風市絕骨環跳肩髃三里等穴皆灸之以鑿竅踈風

○入方

通頂散 治中風中氣昏憤不知人事急用

吹鼻印

藜芦

生甘草

川芎

細辛

人參

各一錢

石膏五錢

右為末吹入鼻中一字就提頭頂中髮立

甦有嚏者可治

稀涎散

治中風忽然若醉形體昏悶四肢不

收涎潮搐搦

猪牙皂角

四條去黑皮

白礬一兩

右為末每服三字溫水灌下但吐出涎便

醒虛人不可大吐

八味順氣散

白朮

白茯苓

青皮

香白芷

陳皮去白

台烏



人參 各一兩 甘草 炙半兩

每服五錢水一鍾半煎七分溫服仍以酒

化蘇合香丸間服

### 烏藥順氣散

麻黃 陳皮 台烏 各一兩

白姜 炒 川芎 枳殼 炒

甘草 炙 白芷 桔梗 各八兩

乾薑

每服五錢水二盞生薑三片棗一枚煎服

### 星香散

南星 八錢 木香 一錢

右每服四錢水一鍾薑十片煎服

### 省風湯

南星 生八兩 防風 四兩 獨活

附子 生去皮 全蝎 炒 甘草 生各三兩

右每服四錢水一鍾半薑十片煎服

小省風湯 與導痰湯相合煎服

防風 南星 生各四兩 半夏



黃芩

甘草

生各二兩

小續命湯

麻黃

人參

黃芩

芍藥

川芎

甘草炙

杏仁

炒去皮尖

防己

桂各一兩

防風

一兩半

附子

炮半兩

右每服五錢水一鍾半薑三片棗一枚煎

溫服取微汗隨人虛實與所中輕重加

減于後○若熱者去附子入白附子亦

可○筋急拘攣語遲脉弦加薏苡仁○

苦筋急加入參黃芩芍藥以避中寒服

後稍輕再加當歸○煩燥不大便去附

桂倍加芍藥竹瀝○如大便三五日不

去膏中不快加枳殼大黃○如語言蹇

澀手足顫掉加菖蒲竹瀝○如發渴加

麥門冬葛根瓜根○身體痛加羌活獨

者亦加之○煩燥多驚加犀角羚羊角

○汗多者去麻黃



家寶丹 治一切風疾癱瘓痿痺不仁口眼喎

僻者邪入骨髓可服

川芎 南星 五靈脂用姜汁製另研

草烏各六兩 白附子 全蝎

沒藥 辰砂各三兩 羌活

乳香 姜蚕炒各三兩 片腦 五錢

天麻三兩 麝香二錢半 地龍 四兩

雄黃一兩 輕粉一兩

右為末作散調三分不效半錢或蜜丸如

彈大含化茶酒皆可

如神救苦散 治癱瘓風濕痺走注疼痛不止

此劫劑也非痛不可服痛止則

已

米殼一兩去頂爛蜜炒 陳皮 五錢

虎骨酥炙 乳香研 沒藥研

甘草 各二錢半

右為末每服三錢水一盞煎連粗服病在

上食後在下食前煎時須順攪之



大秦朮湯

治中風外無六經之形証內無便溺阻隔但血弱不能養筋故手足不能運動舌強不能言語宜養血而筋自榮

秦朮

甘草

川芎

當歸

白芍

石膏 各二兩

羌活

防風

黃芩

白芷

白朮

生地黄

熟羊

茯苓 各一兩

細辛 半兩

獨活 二兩

右咬咀每服一兩水煎服無時如遇天陰

加生薑心下痞加枳實一錢

三化湯

外有六經之形証先以加減續命湯治之若內有便溺之阻滯以此湯主之

厚朴

大黃

枳實

羌活 各等分

右每服三兩水煎服以利為度○法曰四



肢不舉俗曰癱瘓故輕所謂太過則令人四肢不舉又上太過則敦阜阜高也敦厚也既厚而又高則令除去真所謂膏粱之疾非腎肝虛何以明之所謂三陽三陰發病偏枯痿易易為變常用而痿弱無力也其治則瀉令氣弱陽衰土平而愈故以三化湯下之若脾虛曰則不用也經所謂土不及則卑陷卑下也陷坑也故脾病四肢不用四肢皆稟

氣於胃而不能至經必曰脾乃不得稟受也今脾不能與胃行其津液四肢不得稟水穀氣日以衰脉道不利筋骨肌肉皆無氣以生故不用焉其治可大補十全散加減四物湯去邪留正

愈風湯

中風証內邪已除外邪已盡當服此藥以行導諸經久服大風悉去縱有微邪亦從此藥加減治之然治病之法不可失其通塞或一氣之微汗或一旬之



通利如此為常治之法也久則清濁自  
分榮衛自和如初覺風動服此不治倒

什

羌活 甘草 防風

曼荊子 川芎 細辛

枳殼 人參 麻黃

甘菊 枸杞子 薄荷

當歸 知母 地骨皮

黃芪 獨活 杜仲

吳白芷 秦艽 柴胡

半夏 前胡 厚朴

熟苳 防已已上各二兩 茯苓

黃芩 芍藥各三兩 石膏

蒼朮 生苳各四兩 桂心一兩

右剉每服一兩水二鍾生薑三片煎空心  
一服臨卧煎粗○空心一服吞下二丹  
丸為之重劑臨卧一服吞下四白丹為  
之輕劑動以安神靜以清肺假令一氣



之微汗用愈風湯三兩麻黃一兩作四  
服一服後以粥投之得微汗則佳如一  
旬之通利用愈風湯三兩大黃一兩亦  
均四服食前服臨卧一服得利為妙常  
服之藥不可失四時之轉如望春大寒  
之後加半夏二兩通四兩柴胡二兩通  
四兩人參二兩通四兩謂迎而奪少陽  
之氣也望夏之月加石膏二兩通六兩  
黃芩二兩通五兩知母二兩通四兩謂

迎而奪陽明之氣也季夏之月加防已  
二兩通四兩白朮二兩茯苓三兩通五  
兩謂勝脾土之濕也初秋大暑之後加  
厚朴二兩通四兩藿香一兩桂一兩通  
二兩謂迎而奪太陰之氣也霜降之後  
望冬加附子一兩桂一兩通二兩當歸  
二兩謂勝少陰之氣也得春減冬四時  
類此此雖立法於四時之加減更宜臨  
病之際審病之虛實寒熱土地之宜邪



氣之多少此藥俱七情六慾四氣無使  
五臟偏勝及不動於榮衛如風祕服永  
不燥結此藥與天麻丸相為表裏治未  
病之勝藥也無問男婦小兒驚癇搖搦  
急慢驚風等病服之神効

四白丹

能清肺氣養魄謂中風多昏憤肺氣  
不清利也

白朮

赤茯苓

人參

縮砂各半兩

白芷一兩

白檀

防風

川芎

甘草各五錢

白附子五錢

龍腦另研

牛黃各半錢

羌活

獨活各三錢半

知母

細辛各二錢

薄荷三錢半

甜竹葉二兩

麝香一字研

藿香一錢半

右為末鍊蜜丸每兩作十丸臨卧嚼一丸

上清肺氣下強骨髓

二丹丸

治健忘養神定志和血

丹參

熟芩

天門冬去心



麥門冬各半 人參

苜蓿各五錢

丹砂五錢為末 茯神

甘草各一兩

遠志

右為末鍊蜜丸如桐子大每服五十丸至

百丸空心服

瀉青丸

治中風自汗昏憤發熱不惡寒不能

安卧此是風熱煩燥

當歸

龍膽草

川芎

梔子

羌活

大黃

防風各等分

右為末蜜丸如彈子每服一丸竹葉湯下

天麻丸

治風目熱而生熱勝則動宜以靜勝

其躁是養血也

天麻

牛膝各六兩酒浸

草薺另研

玄參六兩

杜仲七兩炒去系

附子炮一兩

羌活十四兩

當歸十兩

生芩一斤

一方有獨活五兩

右為末蜜丸如桐子每服七十丸空心溫



酒白湯皆可下

○痛風二

○四肢百節走痛是也他方謂之白虎歷節  
風証○大率有痰○風熱○風濕○血虛  
○目於風者小續命湯○目於濕者蒼朮  
白朮之類佐以竹瀝○目於痰者二陳湯  
加酒泡黃芩羌活蒼朮○目於血虛者用  
芎歸之類佐以紅花桃仁○大法之方蒼  
朮川芎白芷南星當歸酒黃芩○在上者

加羌活威靈仙桂枝○在下者加牛膝防  
已木通黃蘗血虛格致餘論詳言多用芎  
當歸桃仁紅花薄荷桂威靈仙○治痛風取  
薄荷味淡者獨此能行手臂領南星蒼朮  
等藥至痛處

○又方

又方治上中下疼痛

南星 姜制

蒼朮

米泔浸

黃蘗

酒炒各三兩

川芎

白芷

神麩

炒各一兩



桃仁半兩 威靈仙酒拌 羌活走骨節

防己下行 桂枝各五錢 紅花二錢半酒洗

草龍膽半錢下行

右為末糊丸如桐子大每服一百丸空心

白湯送下

張子元痛風方 治血氣虛有痰白獨陰火痛風

人參一兩 白朮 熟苾

川黃蘗炒黑各一兩 山藥

海石 南星各一兩 瑣陽半兩

乾薑燒灰半兩取其不走 敗龜板酒炙二兩

右為末粥丸一云酒糊丸

臂痛方

蒼朮五錢 半夏 南星

白朮 酒芩炒 香附各一錢

陳皮 伏苓各半錢 威靈仙二錢

甘草少許

右咬咀作一服

治一人臂痛



半夏一錢 蒼朮 南星

陳皮 茯苓半錢 酒苓炒

白朮 香附半錢 甘草半錢

右咬咀水煎一服

控涎丹 治一身及兩脇走痛挾死血者加桃

仁泥丸服

甘遂制 大戟制 真白芥子炒各等分

加桃仁

右為末糊丸如桐子大每服五七丸漸加

至十丸臨卧薑湯下

二妙散

治筋骨疼痛目濕熱者有氣者加氣藥血虛者加補血藥痛甚者加生薑

汁熱辣服之

黃蘗炒 蒼朮 米泔浸炒

右二味為末沸湯入薑汁調服二味皆雄

壯之氣表實氣實者加酒少許佐之

若痰帶熱者先以舟車丸或導水丸神芎丸下

伐後以趁痛散服之



乳香

沒藥

桃仁

紅花

當歸

地龍 酒炒

牛膝 酒浸

羌活

甘草 炙

五靈脂 酒淘

香附 童便浸

或加酒<sub>芍</sub>

酒黃蘗 炒

右為末酒調二錢服

龍虎丹

治走注疼痛或麻木不遂或半身痛

草烏

蒼朮

白芷

各一兩碾粗末拌  
發熱盒過入後藥

乳香

沒藥 各二錢  
另研

當歸

牛膝 各五錢

右為末酒糊丸如彈大每服一丸温酒化

下

八珍丸

治痛風走注脚疾

乳香

沒藥

代赭石

川山甲

生用各  
三錢

羌活

草烏

生用各五錢

川烏

生用一兩不去皮尖

全蝎

二十一箇炒

右為末醋糊丸如桐子大每服十一丸温

酒送下



四妙散 痛風走注

威靈仙 酒浸五錢 羊角灰 三錢 蒼耳 一錢半

白芥子 一錢

右為末每服一錢生薑大一片搗汁入湯

調服

又方 治酒濕痰痛風

黃蘗 酒炒 威靈仙 酒炒 各五錢

蒼朮 羌活 甘草 一錢

陳皮 芍藥 各一錢

右為末每服一錢或二錢沸湯入薑汁調

下

治氣實未實骨節痛方

滑石 六錢 甘草 五分 香附

片苓 各三錢

右為末薑汁糊丸如桐子大每服五七十

丸白湯下

又方

糯米 一盞 黃躑躅根 一握 黑豆 半合



右用酒水各一椀煎徐徐服之大吐大瀉  
一服便能行動

治食積肩腿痛

龜板 酒浸

右為末酒糊丸如桐子大煎四物湯加陳  
皮甘草下

治臂痛方

半夏 南星 蒼朮

黃芩 各一錢 香附 茯苓 各五分

甘草 少許 威靈仙 三合

右為末每服二錢白湯調下

○遍身骨節疼痛晝靜夜劇如虎噬之名  
曰白虎瀝節風並宜加減地仙丹或青  
龍丸乳香丸等服之○又有痛風而痛  
有常處其痛處赤腫灼熱或渾身壯熱  
此欲成風毒宜敗毒散○如肢痛須用  
羌活去風溫亦宜用之○如肥人肢節  
痛多是風濕與痰飲流注經絡而痛宜



南星半夏○如瘦人肢節痛是血虛宜  
四物加防風羌活○如瘦人性急燥而  
肢節痛發熱是血熱宜四物加黃芩酒  
炒黃蘗○如肢節腫痛脉滑者當用燥  
濕宜蒼朮南星兼行氣藥木香枳殼檳  
榔在下者加漢防已○若肢節腫痛脉  
澁數者此是瘀血宜桃仁紅花當歸川  
芎及大黃微利之○如倦怠無力而肢  
節痛此是血虛兼有痰飲流注宜參朮

星半○凡治臂痛以二陳湯加酒炒黃  
芩蒼朮羌活

○頭風三

○屬痰者多○在左屬風荆芥薄荷○屬血  
虛川芎當歸○在右屬痰蒼朮半夏○屬  
熱酒芩為主○屬溫痰川芎南星蒼朮

又方

酒芩一兩 蒼朮 羌活

防風 各五錢 細辛 二錢 蒼耳 三錢



右為末每服三錢生薑一大片同搗勻茶湯盪起服之

又方

酒片苓五錢 蒼朮二錢半 羌活

蒼耳 川芎 生甘草

酒黃連 各一錢半 半夏麩炒三錢半

右為末服法同前

又方

酒片苓五錢 蒼朮 羌活

川芎各五分 蒼耳 細辛

右為末服法同前

又方

片苓酒炒三錢 白朮酒炒一兩 川芎

細辛各三錢 甘草一錢

右為末服法同前

瘦人搗藥

軟石膏 朴硝各五錢 腦子

荆芥 檀香 薄荷各一錢

白芷 細辛各三錢



右為末搐鼻內

頭風痒風屑髮黃

用大黄酒浸炒為末茶調服

一粒金搐鼻方 正治偏頭風

華撒

乾

不以多少研細用攢指膽汁拌勻再入膽內懸陰

藁本

玄胡索

白芷

川芎

右為末入製華撒末一兩半用無根水丸

每用一粒以長流水化開搐鼻以銅錢

二三文口咬定出涎

小清空膏

治少陽偏正頭風疼亦治在太陽

若厥陰頭痛又不可用

片黃芩

酒浸透晒乾

右為末茶清調酒亦可○一方用酒浸炒

為末濃茶調食後溫熱服攻頭疼

○頭風用熱藥多間有挾熱而不勝熱劑

者宜消風散茶調散服之○頭風鼓動

項後兩項筋緊吊起痛者看其人挾寒



挾虛宜三五七散○頭風九月取菊花  
作枕最良○素問論頭風者求於風寒  
入於腦髓耶本事方論婦人患頭風者  
十居其半或者婦人無中以禦風寒為  
耳男子間有患者若經年不愈者宜灸  
顛會百會前頂上星等穴即瘥

○癘風四

○大風病是受得天地間殺氣之風古人謂  
之癘風者以其酷烈暴悍可畏耳人得之

者可分在上在下夫在上者以醉仙散取  
涎血於齒縫中出在下者以通天散取惡  
物陳虫於穀道中出取虫雖有道路之殊  
然皆不外乎陽明一經治此病者須知此  
意看其疔瘡與瘡若上先見者上体多者  
在上也若下先見者下体多者在下也上  
下同得者在上復在下也陽明胃經與大  
腸也無物不受此風之入人也氣受之則  
在上多血受之則在下多氣血俱受者甚



重自非醫者神手病者鉄心罕有免此夫  
從上或從下漸而來者皆是可治之病人  
見病勢之緩多忽之雖按此法施治病已  
全然脫体若不能絶味絶色皆不免再發  
再發則終不救矣某曾治五人已中間惟一  
婦人以其貧甚無物可吃也餘四人三四  
年後皆再發孫真人云吾嘗治四五百人  
不免於死非真人不能治也盖無一人能  
守其禁耳此婦人本病外又是千餘貼加

減四物湯半年之上方得月經行十分安  
息

### 醉仙散

胡麻仁

牛蒡子

蔓荊子

枸杞仁

各半兩同炒紫色

防風

瓜薑根

苦參

各五錢

右為末每一兩半入輕粉二錢拌勻大人  
每用一錢空心日午臨卧各一服茶湯  
調下吃後五七日間先於牙縫內出臭



涎渾身覺疼昏悶如醉利下臭屎為度  
量大小虛實加減與之証候重而急者  
須先以再造散下之候補養得還復與  
此藥吃須斷鹽醬醋諸般肉魚腥椒料  
果實煨燒炙博文茄子等物只宜淡粥  
煮熟白菜并烏梢菜花蛇用淡酒煮熟  
食之以助養力也

### 再造散

大黃一兩 獨生皂角一兩半

右為末每服三錢臨卧冷酒調下以淨桶  
俟候泄虫如虫口黑色乃是多年虫口  
赤色是為方近三日數又進一服直候  
無虫方絕根也仍用通聖散加減調理  
○身上虛痒血不榮於腠理所以痒也  
以四物湯加黃芩煎調浮萍末服之

### 又方

凌霄花末一錢酒調下

### 黃精丸



蒼耳葉 紫背浮萍 大力子

烏鮓肉 一錢半 酒浸去皮骨

黃精陪前三味生搗汁和四味拌細焙乾

右為末曲糊丸如桐子大每服五七十九溫酒下一方加黃栢炒生地黃甘草節

又方

蒼耳 浮萍 鼠粘子 且淋酒炒各等分

右為末每服一二錢豆淋酒調

麻風 脉大而虛者

苦參 七錢半 蒼耳 大力子

酒蒸栢 各二兩 黃精

浮萍 各一兩

右為末用烏蛇肉酒煮如無蛇以黑鯉魚亦可糊丸服

○此疾非止肺藏有之以其病發於鼻從俗呼為肺風也鼻準腫赤脹大而為瘡乃血隨氣化也氣既不施則血為之



聚血既聚則使肉爛而生虫也生虫者  
厥陰主之以藥緩疎之煎局方升麻湯  
下瀉青丸餘病各隨經治之

凌霄花散 治癘風

蟬殼

地龍炒

殭蚕炒

全蝎 各七箇 凌霄花 半兩

右為末每服二錢酒調下於浴室內常在

湯中住一時許服藥効

東坡四神丹 治大風

羌活

玄參

當歸

熟地黄

右等分為末鍊蜜丸如桐子每服七十丸

浮萍散 治癩及風癰

浮萍 一兩

荆芥

川芎

甘草

麻黃

去根節

已上各半兩或加當歸芍藥

右為末每服一兩水二盞煎入葱白豆豉

亦可汗出則愈



○纏喉風五

○屬痰熱

右用遠志去心為末水調敷頂上一遭重者燈油脚探吐之桐油亦可吐

雄黃解毒丸 治纏喉急喉風雙鵞腫痛湯藥

不下

雄黃一兩 巴豆去油十四箇 五金一錢

右為末醋糊丸如菉豆大熱茶清下七丸

吐出頑涎出涎大効

○胃風六

○此曰初飲食訖乘風涼而致其證脹滿飲食不下形瘦腹大惡風頸多汗隔塞不通胃風湯正治然此亦看挾證加減脉右關弦而緩帶浮

○癰七

○驚痰宜吐大率行痰為主用黃連南星瓜蒌半夏尋火尋痰方多兮少治之無不愈者兮痰與熱有熱者以涼藥清其心有痰



者必用吐藥吐後用東垣安神丸吐後亦  
用平肝之劑青黛紫胡川芎之類

○癇證有五馬牛鷄羊猪且如馬癇張口

搖頭馬鳴牛癇目正直視腹脹鷄癇搖頭

反折喜驚小癇喜揚目吐舌猪癇喜吐沫

以其病壯偶類之耳非無痰涎壅塞迷悶

孔竅發則頭旋顛倒手足搐搦口眼相引

膏背強直叫吼吐沫食頃乃甦宜星香散

加全蝎三箇

續命湯

主癇發頓悶無知口吐沫出四体角

弓反張目反上噤不得言

竹瀝二升三合生棗汁一升龍齒末

生薑 防風 麻黃去節各四兩

防己 附子炮各二兩石膏

桂二兩

右十味水一斗煮取三升分三服有氣加

紫蘇陳皮各半兩

○但小兒癇千金有風食驚三種本事



方又有陰陽癇慢脾風三證慢脾即食  
癇宜醒脾丸人參散

古方三癇丸 治小兒百二十種驚癇

荊芥穗 二兩 白礬 一兩半生半品

右為末麵糊丸如黍米大朱砂為衣薑湯

下二十丸如慢驚用來復丹急驚三癇

丸食癇醒脾丸可也

寧神丹 清熱養氣血不時潮作者可服

天麻 人參 白朮

歸身 茯苓 荊芥

僵蚕 炒 獨活 遠志 去心

犀角 麥門冬 去心 酸棗仁 炒

辰砂 各五錢 另研 守田 南星

石膏 各一兩 甘草 炙 白附子

川芎 玉金 牛黃 各三錢

珍珠 三錢 生芩 黃連 各五錢

金箔 三十片

右為末酒糊丸空心服五十丸白湯下



○瘧八

○瘧切不可作風治兼用風藥大率與癩病相似比癩為甚為虛帶補多是氣虛有火兼痰宜用人參竹瀝之類

○古方風病曰瘧也經云諸瘧項強皆屬於濕主是太陽傷濕也又云諸暴強直皆屬於風是陽明內鬱而陰行於外又曰陽瘧曰剛無汗陰瘧曰柔有汗克則害承乃制故濕過極反兼風化制之然兼化者虛

象實非風也

葛根湯

治瘧病無汗而小便少或惡寒者名剛瘧

葛根 四錢

麻黃 三錢

桂枝

芍藥

甘草 炙各二錢

右以咀水二鍾生薑三片棗一枚煎服取

微汗

桂枝加葛根湯

治瘧病有汗不惡寒者服之  
此名柔瘧



葛根 四錢

生薑 三錢

桂枝

芍藥

甘草 各二錢

右作一服水二鍾棗一枚煎服 二瘥皆  
可用小續命湯加減服若膏滿口噤咬  
齒脚挛卧不著床者以大承氣湯下之  
無疑矣

○厥九

○氣虛血虛者多○因痰者用白朮竹瀝○  
熱厥用承氣○外感解散藥中加薑汁酒

○手足麻者屬氣虛○手足者有濕痰死  
血○手足心熱屬熱鬱用火鬱湯○十指  
麻木者是胃中有濕痰死血○有陰厥陽  
厥陰衰於下則熱陽衰於下則寒○足跟  
痛有血熱者有痰熱者用四物湯黃柏知  
母牛膝之類

○厥者其也短也逆也手足逆冷也其証  
不一散之方書甚多今始撮大槩且如  
寒熱厥逆者即為陰陽二厥也陽厥者是



熱深則厥蓋陽極則發厥也不用作陰証  
而用熱藥治之精氣絕而死矣急宜大小  
承氣湯隨其輕重治之所謂陰厥者始得  
之身冷脉沉四肢逆足蹇唇口青或自痢  
不渴小便色白此其候也治之以四逆理  
中之輩仍速灸關元百壯○又尸厥飛尸  
卒厥此即中惡之証曰胃犯不正之氣忽  
然手足逆冷肌膚粟起頭面青黑精神不  
守或錯言妄語牙緊口噤或昏不知人頭

旋暈倒此事卒厥客忤飛尸鬼擊吊死問  
喪入廟登塚多有此病以蘇合香丸灌之  
候稍甦以調氣散和平胃散服名調氣平  
胃散○痰厥者乃寒痰迷悶四肢逆冷宜  
薑附湯以生附代熟附○虵厥者乃胃寒  
所生經曰虵者長虫也胃中冷即吐虵虫  
宜理中湯加炒川椒五粒攢榔半錢吞烏  
梅丸効虵見椒則頭伏故也○氣厥者與  
中風相似何以別之風中身温氣中身冷



以八味順氣散或調氣散如有痰以四七  
導痰湯服之

八味順氣散 方見中風門

調氣散

白豆蔻 丁香 檀香

木香 各三錢 藿香 甘草 炙各八錢

砂仁 四錢

右為末每服二錢入盞少許沸湯點服

平胃散

蒼朮 甘浸五斤 厚朴 薑製炒 陳皮 各三斤

甘草 炒三十兩

右為末薑三片棗一枚入盞一捻沸湯點

服亦得

四七湯

厚朴 三兩 茯苓 四兩 半夏 五兩

紫蘇 二兩

右每服四錢水一鍾薑七片棗一枚煎服

○頭眩暈十



○頭眩○痰挾氣虛并火治痰為主挾補氣藥及降火藥無痰則不作眩痰目火動又有濕痰者有火者濕痰者多宜二陳湯火者加苓挾氣虛者相火也治痰為先挾氣藥降火如東垣半夏白朮天麻湯之類○眩暈不可當者以大黃酒炒為末茶湯調下○火動其痰用二陳加黃芩蒼朮羌活散風行濕○左手脉數熱多脉濇有死血○右手脉實有痰脉大是久病

○眩者言其黑暈者言其轉其狀目閉眼暗身轉耳聾如立舟船之上起則欲倒蓋虛極乘寒得之亦不可一途而取軌也又風則有汗寒則掣痛暑則熱悶濕則重滯此四氣乘虛而眩暈也又或七情鬱而生痰動火隨氣上厥此七情攻虛而眩暈也淫慾過度腎家不能納氣歸元使諸氣逆奔而上此氣虛眩暈也○吐衄漏崩肝家不能收攝榮氣使諸血失道妄行此血虛



之眩暈也要尋致病之因隨機應敵其間  
 以升降鎮墜行焉最不可妄施汗下識者  
 將有採薪之憂○有早起眩暈須臾自定  
 日以為常者正元飲下黑錫丹○傷濕頭  
 暈腎著湯加川芎名除濕湯○踈風川芎  
 茶調散○有痰青州白丸子

頭暈方

利痰清熱降火 或滾痰丸亦可

南星 五分製 半夏 一錢 桔梗 七分

枳殼 一錢 陳皮 一錢 甘草 五分

茯苓 一錢 黃芩 七分

右作一服生薑七片水煎食後服

香摘飲 治氣虛眩暈

木香 白朮 半夏麩

橘皮 茯苓 砂仁 各半兩

丁香 甘草 各二錢半

右剉散水二盞生薑五片煎服○加當歸

川芎官桂治血虛眩暈

白附子丸 治風痰上厥眩暈頭疼



全蝎 生兩炒 白附子 炮 南星 炮

半夏 旋覆花 甘菊

天麻 川芎 橘紅

僵蚕 炒 乾薑 生各一兩

右為末生薑半斤取汁打糊丸如桐子煎

荆芥湯下五十九

人參前胡湯 治風痰頭暈目眩

半夏 麩 木香 枳殼 炒

紫蘇 赤茯苓 南星 炮

甘草 炙各半兩 人參 三錢 前胡 五錢

橘紅 五錢

右剉散每服五錢生薑五片水煎服

芎朮除眩湯 治感濕感寒頭重眩暈

附子 生 白朮 川芎 各半兩

官桂 甘草 炙各二錢半

右剉每服三錢薑七片水煎服

茯苓桂枝白朮甘草湯 治氣上冲宵戰搖眩

暈



茯苓 一兩 桂枝 七錢半 白朮

甘草 炙各半兩

右剉每服四錢水煎服○風証加川芎細辛○濕証加川芎蒼朮○寒証加乾薑良薑

○寒十一

○寒主乎溫散有卒中天地之寒氣有口傷冷物必從補中益氣湯中加減發散藥屬內傷者十居八九其法邪之所湊其氣必

虛只用前湯中從所視之証出入加減氣虛熱甚者少加附子以行參芪凡証與傷寒相類者極多皆雜証也其詳出內經熱論自長沙以下諸家推明甚至千世之下能得其粹者東垣也其曰內傷極多外傷間而有之此發前人之所未發後人徇俗不能真切雷同指為外傷極謬其或可者蓋亦曰其不敢放肆而多用和解及平和之藥散之爾若粗卒者則必殺人切有感



冒等輕証不可便認作傷寒安治西北二  
方極寒肅殺之地故外甚多東南二方溫  
和之地外傷極少雜病亦有六經所視之  
証故世俗混而難別胃氣大虛必當溫散  
理中湯相宜甚者加附子

○正治溫散宜桂枝四逆湯輩甚者二建  
霹靂散○從治用熱藥加涼劑引之或熱  
藥須冷飲為最妙經曰從而逆之此之謂  
也○反攻用煎烏頭之類

### 薑附湯

治中寒身體強直口噤不語逆冷

乾薑一兩

附子去皮臍一箇

右剉每服三錢水煎服○挾氣攻刺加木  
香半錢○挾氣不仁加防風一錢挾濕  
者加白朮筋脉牽急加木瓜肢節痛加  
桂二錢

### ○暑十二

○暑証用黃連香薷飲○挾痰加半夏南星  
○乘虛加人參黃芪○暑風挾痰挾火實



者可用吐法秋初夏末頭疼脚軟食少体  
熱者是○暑病中傷者用清暑益氣湯○  
注夏屬陰虛元氣不足宜補中益氣湯去  
柴胡升麻加炒黃柏白芍藥挾痰者加南  
星半夏陳皮煎服又或用生脉湯

生脉湯

人參 麥門冬 五味子

右劉水煎服

暑渴

生芩

麥門冬

牛膝

炒黃柏

知母

葛根

甘草

右水煎服

黃龍丸

治一切暑毒

赤亮雄黃 五錢

硫黃

硝石 各一兩

滑石

明礬 各半兩

好麵 四兩

右為末水丸桐子大每服五七十丸白湯



送下

○中暍是陽証中暑是陰証○脉沉弱者切不可用寒涼○清熱宜天水五苓又白虎湯皆可○熱悶恍惚辰砂五苓散○脉弦實黃連香薷湯○熱甚自汗而渴便澁者五苓分利之或桂苓甘露飲○吐瀉脉沉微甚者可用附子大順散○伏熱傷冷縮脾飲冷香飲子皆可浸冷服之○或剝蒜肉入鼻中或研蒜水

卻暑散

解灌之蓋其氣臭烈能通諸竅故也

赤茯苓

生甘草 各四兩 寒食麵

生薑 各一斤

右為末每服二錢白湯調下

香薷飲

白扁豆炒

厚朴

姜製八兩

香薷 一斤

右水煎入酒少許沉冷服

大順散



甘草 對寸長三兩  
乾薑  
杏仁 炒

肉桂 四兩

右將甘草用白沙炒黃次入乾薑同炒令薑裂次入杏仁同炒不作聲為度用篩去沙入桂為末每服二錢水煎溫服如煩燥并花水調服以沸湯點服亦得

十味香薷散

香薷 一兩  
人參  
陳皮

白朮  
白茯苓  
扁豆 炒

黃芪  
木瓜  
厚朴 姜炒

甘草 炙 各半兩

右為末服二錢熱湯或冷水調服

清暑益氣湯

黃芪  
升麻  
蒼朮 一錢

人參  
白朮  
神麩

陳皮 各五分  
甘草 炙  
黃柏 酒炒

麥門冬  
當歸 各三分  
葛根 二分

五味 九分  
澤瀉 五分  
青皮 二分



右劉作一服水煎

○瘧十三

○瘧疾 有風 暑 食 痰 老瘧 瘧母

○大法風暑當發汗夏月多在風涼處歇  
遂閉其汗而不泄故也曰飲食者必自飲  
食上得之無汗者要有汗主有汗者要  
無汗正氣為主一日一發者受病一月間  
日一發者受病半年二日連發住一日者  
氣血俱病病此者係風暑入於陰分用血

藥引出陽分則散宜用

川芎

撫芎

紅花

當歸

黃柏炒

白朮

蒼朮

甘草

右劉水煎露一宿次早服

又方

治瘧一日間一日發者補藥帶表藥後  
以截瘧丹截之若在陰分者用藥掣起  
陽分方可截

穿山

草果

知母



八丹溪心法  
夏四十七  
檳榔

烏梅

甘草

常山

右呔咀水一大碗煎半碗露一宿臨發日

早服得吐為順

又方 治瘧母此藥消導

青皮

桃仁

紅花

神麩

麥芽

鼈甲

醋煮為主

三稜

蓬朮

海粉

香附

已上並用醋煮

右為末丸如桐子每服五七十九丸白湯下

又方

治瘧寒熱頭痛如破渴飲冰水外多汗

出

人參

白朮

黃芪

黃芩

黃連

山梔炒

川芎

蒼朮

半夏

天花粉

右呔咀水二鍾薑三片煎服

瘧病感虛者須以人參白朮一二貼托住



其氣不使下陷後使他藥內必主痰以汗解散用二陳湯加柴胡黃芩常山煎服

又方 治瘧疾發渴

生苳

麥門冬

天花粉

牛膝

知母

葛根

黃柏炒

甘草

右咬咀水煎服

又瘧不得汗者二陳湯倍蒼朮白朮加檳榔

直截 榔〇方加柴胡葛根一補一發不可

直截

又方截瘧青蒿丸

青蒿

冬瓜葉

馬鞭草葉

官桂

右焙乾為末水丸胡椒大每一兩分四服於當發日前一時服盡

截瘧方

檳榔

陳皮

白朮



常山各二錢 茯苓 烏梅

厚朴

右吹咀作二服水酒各二鍾煎至一鍾當

發前一日一服臨發日早一服少睡片

時

又方 截癰疾

白朮 半夏 黃連

白芍藥 陳皮

右為末粥丸如桐子大每服六十丸薑湯

下

○世用砒霜毒不可輕用俗謂脾寒此

曰名而迷其實也苟曰飲食所傷而得

亦未必全是寒况其他乎在其陽分者

易治陰分者難治癰母必用毒藥消之

行氣消堅為主東垣為寒癰屬太陽熱

癰屬陽明寒熱癰屬少陽在三陰經則

不分總曰濕癰此言是但三陰經說不

明作於子午卯酉日者少陰癰也寅申



巳亥日者厥陰瘧也辰戌丑未日者太陰瘧也

○瘧脈多弦但熱則弦而帶數寒則弦而帶遲亦有病久而脈極虛微而無力似乎不弦然而必於虛微之中見弦但不搏手耳細察可見也

○瘧又名痞瘧者其証不一素問又有五臟瘧六腑瘧詳矣初得病勢正熾一二發間未宜遽截不問寒熱多少且用清

脾飲 草果飲或二陳加草果五分或平胃加草果五分柴胡五分又或養胃湯加川芎草果各五分熱少者進取微汗寒多者宜快脾湯服後寒仍多者養胃湯加附子桂枝各五分獨寒者尤宜不効則七棗湯熱少者宜驅瘧飲或參蘇飲每服加草果五分大熱不除宜小柴胡湯渴甚者則以五苓散入辰砂少許獨熱無寒亦與小柴胡湯熱雖劇不



甚渴者本方加桂四分或以柴胡桂薑湯候可截則截之○久瘧瘧母不治者宜四獸飲間服山田湯

清脾湯

青皮

厚朴

白朮

草果

柴胡

茯苓

黃芩

半夏

甘草 炙各等分

右剉水二盞生薑三片棗一枚煎服忌生

冷油膩

七棗湯

附子

一箇炮又以鹽水浸再炮如此七次不浸去皮

又方川烏代附子以水調陳壁土為糊浸七次

右今作二服水二鍾薑七片棗七枚煎七

分臨去日早服

驅瘧飲

前胡

柴胡

桂心

桔梗

厚朴

半夏

各三兩

黃芪

乾薑

甘草

炙各二兩



右剉水二盞生薑三片棗四枚煎服

山甲湯

川山甲

木鼈等分

右為末每服二錢空心溫酒調下

四獸飲

人參

白朮

茯苓

甘草減半

橘皮

草果

半夏

棗子

烏梅

生薑等分

右剉水煎服併進數服

小柴胡加桂湯

有汗要無汗正氣為主○或白虎湯加桂

○無汗要有汗散邪為主帶補之以桂

枝加黃芪知母石膏湯或人參柴胡飲

子

○熱多寒少目痛多汗脉大以大柴胡湯

微利為度餘邪未盡以白芷石膏三物

湯以盡其邪



六和湯

人參

知母

草果

貝母

烏梅

白芷

檳榔

柴胡

各一錢用酒拌

常山二錢

右劉水煎薑三片棗一枚

秘方清脾丸

治瘡三日一發或十日一發

姜黃三錢

白朮一兩半 人參

檳榔

草果

黃芩

半夏各一兩

青皮一兩

蓬朮醋炒

厚朴各半兩

甘草三錢

右為末飯丸如桐子大每服六十九丸食遠

白湯下日一服

紅丸子

消食瘻

胡椒一兩

河魏

醋化一錢

蓬朮

京三稜

醋煮各一兩

青皮

炒三兩

右為末另用陳倉米同阿魏醋煮糊丸桐

子大每服七十九丸薑湯下



○痢十四

○痢有身熱後重腹痛下血○身熱挾外感者小柴胡湯去人參○後重積與氣墜下之故無升無消宜木香檳榔丸之類不愈者而用

秦艽

皂角子

煨大黃

當歸

桃仁

黃連

枳殼

若大腸風盛可作丸服保和丸亦治後重

五日後不可下蓋脾胃虛故也

○腹痛者肺經之氣鬱在大腸之間者如實者以劉氏之法下之虛則以苦梗開之用利方可氣用氣藥血用血藥有熱用黃芩芍藥之類無熱或用溫藥薑桂之屬○下血多主食積與熱或用朴硝者○痢疾初得一二日間以利為法切不可便用止瀉之劑若實者調胃承氣大小承氣亦可用有熱先退熱亦不可便用參朮然氣虛者



可用胃虛者亦用之○血痢久不愈者屬陰虛四物湯為主涼血和血當歸桃仁之屬○下痢不止發熱者屬陰虛用寒涼藥必兼升藥熱藥下利大孔痛者曰熱流於下也以木香攢榔黃連黃芩炒乾薑○禁口痢者胃口熱甚故也大虛大熱用香連丸蓮肉各一半共為末米湯調下又方入參二分薑炒黃連一分為末濃煎終日呷之吐則再服但一呷下即便妙不可用溫

熱藥甘味○封臍引熱下行用田螺肉搗入麝香少許盒臍內○下利不治之証下利如魚腦者半死半生下如塵腐色者死下純血者死下如屋漏水者死○赤痢乃自小腸來白痢乃自大腸來皆溫熱為本赤白帶濁同法○下利有風邪下陷宜升提之蓋風傷肝肝生木故也有濕傷血宜行濕清熱○內經所謂身熱則死寒則生此是大槩言必兼証詳之方可今豈無身



熱而生寒而死者○脉沉小留連或微者  
 易治洪大數者難治也脉宜滑大不宜弦  
 急○仲景治利可温者五法可下者十法  
 或解表或利小便或待其自己還今易治  
 難治極密但與瀉同立論不分學者當辨  
 之大孔痛一日温之一日清之按久病身  
 冷脉沉小者宜温暴病身熱脉浮洪者宜  
 補宜清有可吐者亦有可汗可下者○初  
 得之時元氣未虛必推蕩之此通曰通用

之法稍久氣虛則不可下壯實初病宜下  
 虛弱衰老久病宜升之○先水瀉後膿血  
 此脾傳腎賊邪難愈先膿血後水瀉此為  
 腎傳脾微邪易愈○下利如豆汁者温也  
 盖脾腎為水穀之海無物不受常無四歲  
 故五色之相雜當先通利此迎而奪之之  
 義如虛者亦當審之曰熱而作不可用已  
 豆如傷冷物者或可用宜謹

痢疾方



黃連

滑石

生芩

白芍藥

蒼朮

白朮

當歸

青皮

條黃芩

右劉水煎服

又方

乾薑一錢

當歸一錢半

烏梅三箇

黃柏一錢半

黃連

右咀作一服水煎食前服若水瀉可等分

用

又方

大黃

黃連

黃芩

黃柏

枳殼

當歸

芍藥

滑石

桃仁

甘草

白朮

等分

右為末或湯調或作丸用麵糊或神麩糊

丸服

又方

飲水過多腹脹瀉痢帶白

蒼朮

白朮

厚朴



茯苓 滑石

右咀水煎下保和丸

又方 痢後脚軟漸細者

蒼朮 龜板 酒炙 白芍藥 各二兩

黃柏 酒炒半兩

右為末粥丸以四物混加陳皮甘草水煎

送下

又方 痢後腰痛兩脚無力

陳皮 半夏 白芍藥 各一錢

茯苓 蒼朮 當歸

酒苓 各半錢 白朮 甘草 各一錢

右咀作一服薑煎食前服

又方 治小兒八歲以下下純血作食積治

蒼朮 白朮 黃苓

滑石 白芍藥 茯苓

甘草 陳皮 袖麩 炒

右咀水煎下保和丸

○痢有氣虛兼寒熱有食積有風邪有熱



有溫有陽氣下陷而感受不一當分治  
瀉輕痢重諸有積以吐熱纏痛推之諸  
有氣以吐如蟹渤驗之究其受病之源  
決之對病之劑大要以散風邪行滯氣  
開胃脘為先不可遽用肉豆豉子白朮  
輩以補住寒邪不可投米殼龍骨輩以  
閉澁腸胃邪得補而愈盛故証變作所  
以日夕潘延而未已也○若升散者以  
胃風湯防風芍藥湯神朮散蒼朮防風

湯敗毒散皆可汗之○攻裏若有濕者  
用導水丸兼鬱承氣湯和中丸若積滯  
用聖餅子脾積丸冷積用局方蘇感丸  
若濕熱甚者宜宣明玄青膏○若後重  
窘迫用木香檳榔丸色白者屬氣赤白  
者屬氣血受病赤黑相兼屬濕熱青綠  
雜色是風與火濕○下血者當涼血當  
歸生芩赤者屬血保命集四物湯加槐  
花黃連米殼醋炒○下利脉沉弱而腹



痛用薑附湯加對五苓理中又機要標  
 水散若青色者寒兼風○若陽氣下陷  
 者以升陽益胃湯加桔梗醋沃南星用  
 葉散外  
 有攢極効起泡便止○下利  
 若濕盛勝濕者以平胃散對五苓散最  
 可或麴芽丸老人奉養太過飲食傷脾  
 為脾泄機要白朮芍藥湯濕勝仙朮沙  
 用○若陰陽不分以滲洩以五苓之類  
 或單用芩蒿實炒為末米飲調二錢○

若氣血俱虛神弱者以人參白朮當歸芍  
 藥炒茯苓少加黃連服之或錢氏白朮散  
 又或十補湯佳○若暑痢而脉虛者香薷  
 飲或清暑益氣又或六和湯藿香正氣各  
 加木香半錢名木香交加散○若白利下  
 如凍膠或鼻涕此屬冷痢宜除濕湯加木  
 香一錢虛弱者亦與十補湯○赤痢發熱  
 者以敗毒散加陳倉二撮煎○下痢小便  
 不通者黃連阿膠丸為最



胃風湯 治風冷入於腸胃泄下鮮血或腸濕

毒下如豆汁或痰血

人參 茯苓 川芎

當歸 桂 白朮

白芍藥 各等分

右剉水煎入粟米百餘粒同煎 腹痛加

木香

噤口痢

石蓮肉 日乾

右為末服二錢陳倉米湯調下便覺思食

仍以日照東方壁土炒真橘為末薑棗

略煎佐之

○泄瀉十五

○泄瀉○有濕○火○氣虛○痰積○濕用

四苓散加蒼朮甚者蒼白二朮同加炒用

燥濕火用四苓散加木角黃芩○痰積宜

用海石粉青黛黃芩神麩炒八服之○在

上者用吐提○在下陷者宜升提之用升



麻防風○氣虛用人參白朮炒芍藥升麻  
○水多者用五苓散○久病大腸氣泄用  
熟地黃半兩炒白芍藥二母各三錢乾薑  
二錢炙甘草一錢為小漿丸服之仍用艾  
炷加麥粒於百會灸三壯○脾瀉當補  
脾氣健運復常用炒芍藥炒神麩或散或  
湯作餅子尤佳○食積作瀉宜再下之○  
脾泄已久大腸不噤此脾已脫宜急澀之  
以赤石脂肉豆蔻乾薑之類

一老人奉養太過飲食傷脾常常泄瀉亦是脾  
泄

黃芩

半兩炒

白朮

二兩炒

白芍藥

酒拌炒

半夏

各一兩

神麩

炒

山查

各一兩半

右為末青荷葉包飯燒熟研丸如桐子大

食前服

一老人面白脉弦數獨胃脉沉滑因飲白酒作  
痢下血淡膿水腹痛小便不利以益元散  
數服之



○寒瀉寒氣在腹攻刺作痛咽下清水腹  
內雷鳴米飲不化者理中湯或吞大已  
寒丸宜附子桂香丸畏食者八味湯○  
熱瀉糞色赤黃肛門焦痛糞出穀道猶  
如湯燒煩渴小便不利宜五苓散吞香  
連丸○濕瀉由坐卧濕處以致濕氣傷  
脾土不克水梅雨久陰多有此病宜除  
濕湯吞戊己丸佐以胃苓湯重者朮附  
湯○傷食瀉因飲食過多有傷脾氣遂

成泄瀉其人必噫氣如敗卵臭宜治中  
湯加砂仁半錢或吞感應丸尤當○有  
脾氣久虛不受飲食者食畢即腸鳴腹  
急盡下所食物纔方寬快不食則無事  
俗名錄食瀉經年不愈宜快脾丸三五  
粒○因傷於酒每晨起必瀉者宜理中  
湯加乾葛或吞酒者黃連丸○因傷麵  
而瀉者養胃湯加蘿蔔子炒研破一錢  
痛者加木香半錢瀉甚者去藿香加炮



薑半錢○有每日五更初洞瀉服止瀉藥並無効米飲下五味丸或專以五味子煎飲亦治脾腎泄雖省節飲食忌口但得日間上半夜無事近五更其瀉復作此病在腎俗呼為脾腎瀉分水飲下二神丸及椒朴丸或平胃散下小茴香丸病久而重其人虛甚宜椒附湯○暑瀉曰中暑熱者宜胃苓湯或五苓散加車錢子末少許甚効

止瀉方

隔年陳麥麵 六兩炒

茴香 五錢

生薑 一兩

右為末每服用五七錢白湯調服

又方

肉豆蔻 五兩 滑石 夏二兩半 秋二兩 冬一兩半

右為末或丸或水調服

清六丸 去三焦濕治泄瀉多與清化丸同用

並不單用兼治產後腹痛或自利者



能補脾補血亦治血痢

六一散二料

紅麴

炒二兩半活血

右為末飯丸如桐子大每服五七十九白

湯下

又方

治泄瀉或嘔吐

右六一散生薑汁入湯調服

○霍亂十六

○內有所積外有所感致成吐瀉仍用二陳湯加減作吐以提其氣此非鬼神皆屬飲

食前人確論乃陽不升陰不降乖隔而成切莫與米湯與之即死脉多伏欲絕或用樟木煎湯吐之亦可○大法生薑理中湯最好不渴者可用如渴者用五苓散有可吐者以二陳湯探吐亦有可下者○轉筋不住男子以手挽其陰女子以手牽乳近兩邊此千金妙法也○轉筋皆屬乎血熱四物湯加酒芍紅花蒼朮南星煎服○乾霍亂者最難治死在頃臾升降不通當以



吐提其氣極是良法世多用鹽湯此係內  
有物所傷外有邪氣所遏有用吐者則無  
散散之義有用溫藥解散者不可用涼藥  
于後二陳湯加解散藥

二陳湯加川芎

蒼朮

防風

白芷

右咀薑五片煎服

○霍亂之候揮霍變亂起於倉卒多因夾  
食傷寒陰陽乖隔上吐下利而燥擾痛

悶是其候也偏陽則多熱偏陰則多寒  
然而來危甚風燭其濕霍亂死者少乾  
霍亂死者多蓋以所傷之物或曰吐利  
而盡泄出則止故死者少也夫上不得  
吐下不得利所傷之擁閉正氣閉隔陰  
陽其死者多○霍亂熱多而渴者五苓  
散○寒多而不飲水者理中湯○或有  
寒腹滿而痛四肢拘急轉筋下利者以  
理中湯加生附子官桂○中暑霍亂煩



燥大渴心腹撮痛四肢泠泠汗出脚轉  
筋用藿香散千金云轉筋者用理中湯  
加火煨石膏○若霍亂吐瀉心腹脹痛  
先以鹽湯探吐後服藿香正氣加木香  
五分若頻欲登圜不通者更加枳殼一  
錢○人於夏月多食瓜果多飲冷乘風  
以致食留不化回食成痞隔絕上下遂  
成霍亂以六和湯倍加藿香煎服皆要  
藥也



